

QVÆSTIO MEDICA.

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS, XXII. FEBRVARII,

M. FRANCISCO PIART, Doctore Medico, Præsidente.

1012

An solis Alimentiis sustinentur vires?

RERVVM animatarum vires nihil sunt aliud quam vita ipsa. Caue autem cum rudioribus eas vel lacertorum robore, vel gladiatoria laterum firmitate, vel ossium concretionem, vel vasti corporis proceritate; vel viscerum atque adeo carnum membrorumque omnium compactione metiaris. Taurorum & Elephantum ista sunt, non hominum: nisi fortè Milonum & Pontiorum, qui quò plus valuerint corpore, hoc necesse est minùs valeant mente: Est supra humanæ felicitatis apicem, vt corporis, animique vigor eximius, bonâ fide societatem incant. Imò est in confesso, nimio membrorum robore aciem mentis hebescere: minus solertes quibus obfissimus venter; quasi abnuente Naturâ vtriusque boni largitionem, ne suprà mortalem sit sortem, eundem esse & valentissimum & sapientissimum. Vera & exquisita virium ratio haudquaquam ex corporis seu nûs, seu prævalido quolibet impetu astimanda; sed ex facultatum omnium integritate, & partium cum ad actiones voluntate susceptas alacritate, tum ad naturales expeditè, atque vno filo semper obcundas aptitudine. Porro, vt animæ cum corpore bene conueniat, varijsque huius partibus vsa, varias planèque discrepantes nunquam non exelrat functiones, haud satis est eleganter fictum & tornatum, sed etiam optime temperatum sit id corpus oportet, in quod illa immigrat.

QVI in viuientium corporibus principes qualitates omni ad vnguem repressâ exuperantiâ, pari penitus gradu concurrere posse existimat, is se philosophis deridendum propinat; fingi quidem animòs, at cum vitâ coherere non potest tam accurata temperies. Quæ verò ex ipsissimè qualitatibus conuenienti permissione accommodatis ad vniuersa munia ad quæ viuens vnumquodque suâ naturâ ducitur, incorruptè fungenda, quodam quasi iustitiæ ritu stabilita exurgit, ea optima numerisque omnibus absoluta censenda est. Si tamen in solis hæres qualitatibus, nondum tenes omnem rei animatæ naturam, & temperamenti modum: nempe ex illis, ac præterea è conserto in partium similiarum substantiam genuino, pingui, & oleo perquam simili humore, blandoque & halituoso calore ac spiritu efflorescit; vt eo quæcumque animalia à primo ortu ceteris plenius circumfluxerint illa imprimis valere, viribusque florere necesse sit: maximè si præcipua in id conferatur cura, vt toto vitæ decursu niteat omni excrementorum genere vacuum corpus, sitque purus & integer sanguis, qui ad iacturam calidi innati continenter dilabentis faciendam sufficitur. Eo pacto, quia quantum de ingentis viribus spiritibusque cecidit tantum in subsidium è tribus principiorum fontibus accedit influentium, nulla vitæ, viriumve metuenda euerfio.

VIRES itaque si quando concidant, ocyus reparandæ; hoc namque vitæ thesauro directo, statim funditus pereunt omnia. Idcirco vulgus Medicorum tanto studio in eam rem incubuit, vt non tam tenuerit, quam excesserit modum: ad hunc vsum propè tracta sunt omnia rerum genera; cum tamen virium tuendarum vna certa sit via, licet ex accidenti iuuent & aliqua, suapte naturâ huic muneri minimè comparata. Quæcumque vberem noui spiritus materiam promptè corpori subministrant, titâ appellatione nuncupantur cardiaca; quia cor calor & spirituum (quibus robur continetur) fons est præcipuus & in exhausta scaturigo. Eorum autem quæ in corpus ingeruntur vulgò tres statuuntur ordines: his quartum non ineptè adieceris. 1. Mirum sit, si quis petat è venenis auxilium, obliuiscis grauius viribus; & tamen cum acerrimum salutari calori bellum indicant, à nonnullis velut profutura obtruduntur; & sæpe qui ab alio cuius haustu vitæ discrimen adert, diuersum aliud perperam iubentur obbibere. 2. Tam absunt quoque à rescendis viribus medicamenta; vt è contra de nativâ temperie deictum corpus vehementer percellant, 3. Proximum his locum sibi vendicant ignaua & otiosa quædam corpora, non nisi ab otiosis hominibus præscribi solita: quæ siue quòd nullâ efficaci aut amicâ nobis qualitate sint prædita; siue quòd in densiori materiâ omnis eorum vis quasi sepulta delitescat, nec à corpore nostro affici, nec ipsum vicissim luculenter afficere possunt. In hoc censu sunt cornu Monocerotis, os è corde cerui, aurum & argentum, quanquam hæc duo ferè sunt mortalibus sanguis & anima, lapis Bezoardicus, Vniones, Granatus, Smaragdus, Hyacinthus, Sarda, Topazius, Saphyrus, sexcentæ insuper herbæ & quilibet, titulo solo cardiace, quæque ex istis & similibus coalescunt confectiones permulcæ, quibus præter grande aut splendidum nomen, solidi vix ineft quidquam. 4. Sola igitur superlunt alimenta, quæ vacillantibus viribus opitulari queant; inter quæ vi ac celeritate recreandi primas tenet vinum, quod tamen nec semper est cardiacum.

QVACVMQVE ex causa spiritibus malè sit, confestim remouendum quicquid ipsis incommodat, si viribus præclare consultum velis. Febris præsertim ardens, liquato corpore mutataque eius temperie, vires insigniter obtinet; his satis vnius febris depulsionem prospexeris. Princeps pars aliqua corporis, intemperie quolibet conflictata robur comminuit, hanc si ita emendaueris, vt ne serpat, & ad spiritus indidem ortos dimanet; sponte ac vel inuitò recurrent vires. Bilis ardentior calore immodico spiritus cremat, vel os ventriculi quasi pungit aculeis, vt propè syncope corruat animal; ducenda quamprimum bilis; hoc quæcumque præstiterint, erunt quouis cardiaco potiora. Aëris feruore accensi spiritus, dissipatione minuuntur; aërem ipsum frigidis castiga, mox pristinus redibit vigor. Scorpij, rabidi canis, vel alterius venenatæ bestię morsu acceptum virus, spiritum polluit & inficit; virus ipsum quancumque foras euoca; sic reddes suo nitore spiritum, suoque corpus robori. Labor æstusve spiritus caloremque halitus aut sudore dissipant; dum isthæc vires, sat horum iacturæ medeberis. Languet nimia libidine dissolutum corpus; nuncium si remittas veneri, poteris & si lubet cardiacis. Fusa alius; pus, vel aqua vnde cumque affatim erumpens, vel clariùs, largior sanguinis profusio bonam spirituum partem secum abripit; fluorem dum compescas, frustra alius suscipitur labor, vt succum sanguinemque recipiat ager. Vires cum calore & spiritu obruunt strangulantque timor atque mœstia; iacentem animum fiducia lætitiâ; completo, illicò quoquoersum excurrent spiritus; gaudio dissoluantur subsistent, vbi temet tantisper cohibueris. Vires proferunt spiritusque disperdit doloris acerbitas; curre, si è re est, ad venæ sectionem, & cætera pargonica; mutato nomine fient cardiaca.

INANE igitur, quod ab imperitis tanti sit, cardiaci nomen, nisi fortè ipsis aptare lubet rebus, quibus perficitur, ne quam spiritus offensionem excipiant. Horum quidem ruinam vt acceleratè, ita & remorari valent quamplurima: at eorumdem penuriâ laboranti animali, solo eoque conuenienti ac familiarissimo nobis subueniendum: nempe cum pars vnaquæque similis calorem spiritumque congenitum, quo ab ortu instructa est, integrum retinere non possit; si quando vagorum, & à principiis per proprios canales defluentium fauore destituatur; quod ad noui & quidem puri sinceriorisque sanguinis (è cuius tenuiori portione spiritus exulcantur) generationem assumitur alimentum, planè id nobis conseciatum sit oportet; summamque cum corporibus nostris affinitatem habeat atque cognationem. Vt si qua res animâ, benignoque illo humore primigenio, & calore naturali, quo vita stat, semper caruerit, ea nequaquam in alimentorum numerum venire possit: vt eo nomine ijs adscribi non debeat aqua: Sed & in viuientium genere, illa nos nutriunt plenius, quæ propius ad nostram accedunt temperiem atque naturam. Idcirco succi quamminimùm nobis suppeditant herbæ, haud multò vberiores pisces, cumulatissimum, quæ multi sanguinis sunt, terrestria animalia, quorum carnibus vel saporata iuscula, plerisque vitam in plures dies, menses, annosque protrahere:

*Ergo solis Alimentiis sustinentur vires.*F.M.P.
SOLUTIO

Proponebat Lutetiæ CAROLVS BARALIS, Parisinus. A. R. S. H. M. DC. LII.